

Informacija
o realizaciji tačke 3. Zaključka Vlade Crne Gore, broj: 08-011/24-4050/2 od 11. jula 2024. godine

Vlada Crne Gore je, Zaključkom broj: 08-011/24-4050/2 od 11. jula 2024. godine, zadužila Ministarstvo prosvjete, nauke i inovacija da, nakon dobijanja relevantnih informacija od Ministarstva pravde i Ministarstva unutrašnjih poslova o ustanovama visokog obrazovanja iz Bosne i Hercegovine koje su obuhvaćene istragom nadležnih organa Bosne i Hercegovine, privremeno obustave priznavanje inostranih obrazovnih isprava stečenih na tim ustanovama, do okončanja postupka, u cilju zaštite javnog interesa države Crne Gore.

Ministarstvo prosvjete, nauke i inovacija je, uputilo Zamolnicu posredstvom Ministarstva pravde Crne Gore, broj: 02/0-20-11/24-6351/2 od 5. septembra 2024. godine, Ministarstvu pravde Bosne i Hercegovine za pružanje međunarodne pravne pomoći na osnovu Ugovora između Crne Gore i Bosne i Hercegovine o pravnoj pomoći i građanskim i krivičnim stvarima, s molbom za dostavljanje podataka koje ustanove visokog obrazovanja u Bosni i Hercegovini su obuhvaćene istragom nadležnog tužilaštva Bosne i Hercegovine i Državne agencije za istrage i zaštitu (SIPA).

Ministarstvo pravde Crne Gore je, 9. septembra 2024. godine, uputilo predmetnu Zamolnicu Ministarstvu pravde Bosne i Hercegovine.

Ministarstvo sigurnosti, Državna agencija za istrage i zaštitu Bosne i Hercegovine je, aktom broj: 16-14/1-04-1-6384-401/20 od 30. oktobra 2024. godine, obavijestilo Ministarstvo prosvjete, nauke i inovacija Crne Gore da je, 3. jula 2024. godine, Tužilaštvo Bosne i Hercegovine podiglo Optužnicu u predmetu koji se odnosi na nezakonito izdavanje visokoškolskih diploma, te da je istu potvrdio Sud Bosne i Hercegovine 17. jula 2024. godine. Predmetnim optužnim aktom optuženo je 15 fizičkih i 6 pravnih lica, odnosno ustanova visokog obrazovanja sa sjedištem na teritoriji Bosne i Hercegovine.

Nadalje, Državna agencija za istrage i zaštitu Bosne i Hercegovine je, istim dopisom obavijestila Ministarstvo prosvjete, nauke i inovacija da su sljedeće ustanove visokog obrazovanja iz Bosne i Hercegovine obuhvaćene istragom nadležnih organa, i to:

1. Nezavisni univerzitet za političke i društvene nauke Banja Luka (skraćeni naziv NUBL Banja Luka), sa sjedištem u Banja Luci, na adresi Veljka Mladenovića 12E;
2. Visoka škola za primijenjene i pravne nauke „Prometej“, Banja Luka, sa sjedištem u Banja Luci, na adresi Knjaza Miloša broj 10a;
3. Univerzitet „Victoria International University“ Mostar, pravni nasljednik pravnog lica Univerzitet modernih znanosti „CKM“, Mostar, sa sjedištem u Mostaru, na adresi Zalik bb;
4. Visoka škola „Union“, Mostar, sa sjedištem u Mostaru, na adresi Blajburških žrtava broj 100;
5. Internacionalni univerzitet Brčko, Brčko distrikt Bosne i Hercegovine, sa sjedištem u Brčkom, na adresi Breznik bb; i
6. Univerzitet za poslovni inženjering i menadžment „PIM“, Banja Luka, sa sjedištem u Banja Luci, na adresi Despota Stefana Lazarevića bb.